

中國地方志集成

鄉鎮志專輯 ①⑦

曹甸鎮志

廣曹甸鎮志

王家營志

時村記

小海場新志

豐南志

沙溪集略

江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛

中國地方志集成

鄉鎮志專輯 ⑪

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價：一八九元

1992年7月第1版 1992年7月第1次印刷

ISBN 7-80519-396-7 / K·221

曹甸鎮志小引

曹甸鎮也歲戊寅掘塚平墓初為塙堡次年己卯增而高之漸為土城庚辰夏秋以軍旅之駐師也得姜某治惟惺焉韓軍顧紳下視民間曹甸車橋道於報紙曰尊貴曰重要尊之者貴重之乃要於乃鑿深池加雄堞疊壕濬排門壘儼然為重大城池加以淮寶失陷衙署來此酒樓茶社無限紛華一問兩問之屋頗極租銀之貴區十鄉鎮集數千家於是而舟車至矣人力通矣電線多矣風俗華矣乃至於軍聲振矣羽檄馳矣飛機來矣炸彈落矣冠至幸甸空矣火餘礫瓦百千萬次飛災人走鄉村南北東西而散噫國威聯家志矣淮潮入甸流矣人家悲覩驚天咫尺城狐矣懷忠皆君子吞災是庶民矣竟有空霄雷一擲做成亘古落花天矣迺地繁華忽吹散滿天雷電逸龍蛇矣以上係杜鳴呼天心民視語

云威極則衰地方之興廢豈非自啟之哉

或曰志大文也州有志縣有志若而鄉鎮假名於曹甸可乎曰地方之重要時勢為然天下之交通名華非必皆為郡縣洛陽固小有聞天下子獨不聞之乎蘇北棄而淮安失淮安失而楚甸與地踣三里為齊楚者曹以佔有之為得

三角英雄大軍屢至之矣故曰鄉鎮而不廢可以不忘無庸乎為志也鄉鎮而犧牲矣犧牲之亦為國也匹夫匹婦古有銘旌萬姓身家豈無沉痛而況書生束閣無事可為廢人如我有情飲恨謂地方因時而重曹甸有我而志夫奚不可夫奚不可甲申夏六月少洲郝庶識於太倉東塾苗浦草堂

目錄

曹甸小志初稿

曹甸鎮志

凡例附錄三則

一、正名

甲 曹甸

乙 楚甸

二、區域

附圖

三、輿地志

甲 歷史

乙 地理

丙 古迹

四、河渠志

甲 水利

乙 溝瀆

五、建設志

村園街巷 祠校橋堤 其他

六、民俗志

風俗 謠諺 民族宗教

七、人物志

科貢 流寓 列傳 列女

八、藝文志

書目 題贈 遺著 詩鈔

九、產殖志

稼穡 工藝 其他

十、雜志

紀事 掌故 雜錄 拾遺 跋 參考書目

「曹甸之出產」訪曰閭閻七事所謂必需物也此地所有柴則連蕩蘆花遍野樹木禾草麥莠年不盡用出產一也米則估計在卅一年所入可足五年有餘之口糧三年不出可足十有八年之用出產二也油坊在舉步之間上海市面年不易得之真豆油出門可購鹽則涇河水運過眼如梭視出產不啻門中黃豆為醬料米為醋猪肉牛肉升米論斤魚蝦雞子日常可食羹蔬菜賤如泥沙信乎魚米之鄉

「曹甸之戎事」民國以前有耕讀而無官吏宜於民不宜於兵自古用兵之士以地理言得一鎮不足為喜失一鎮不足為憂凡有政治之改革莫不惟縣是從望風俯仰居此地者向無兵燹之及干戈不一至也自日寇侵略以來游擊戰術之規模出沒荒村於是大亂不說居鄉小民乃親幕府初則姜顧用兵繼則韓軍駐

五

寓己卯日寇癸未二黃中央中共三角戰爭庚辰圍困甲申折毀大軍屢至齊楚紛更視曹甸為目的地兵戈彈火得失地方為千古未有之大變也

曹甸鎮志凡例

本書為區鎮小志範圍最小凡賦稅政治官宦諸目見縣志者從略

本志條文大綱有八合之正名區域綱目凡十子目三十有六

或曰曹甸或曰楚甸仿徐氏越絕考例首曰正名

天下之大省而縣縣而區鎮蓋亦小矣雖然正其名欲談歷史必先區域

歷史者求古迹也古迹中有歷史焉與地志歷史為首古迹殿之河渠而又分溝瀆風水而附於地理文字中宜合宜分小規模勢必如此

建設志村莊園宇街市巷口祠寺學校橋梁隄防八項可規曹甸鎮房屋工程

六

民俗志風俗篇頗為一般人忌我手我口直筆書之釋言中附韻正附合切法於青年談小學者不無小補

人物志科貢依群雅錄所載士其註增補末科三列女依縣志

所收叢考宗譜非覈實者未敢私加列傳三十餘條大都訪諸父老考之前人之筆記文字則自我為之他日得便當就正于有道

焉

藝文志從簡則有失文獻從繁則章頁倍增客大於主不得已僅列書目而以題贈為一卷遺著為一卷近人詩錄為一卷留於最後著手

產殖志仿鹽鐵志就耳目見聞所及大概言之其餘瑣碎散見其他各篇

雜志中紀事求簡仿綱目法獅子搏兔若用全力掌故則聞見之

筆^{亦有}虛實聽之雖有所疑要非空中之樓閣雜錄者取前筆詩文間一切者誌之大都准的志影錄中材料不可入正文者是也各篇附錄詩詞文字非點綴也資興趣可參考也其中曹句十二詠各什用為古述回想之餘音

附錄一^抄甲申年三月下旬與轉飄蓬客處於太倉南里固晉草堂蓋亦患難因緣樂君少山之所約也四月日自西之東通過謝氏商店乃鼎叔曾自臚招話^{從我}談詩詞及于文字有曰吾鄉吾族文獻凋殘文章必期於有用大志所在地方掌故之記載爾少洲局今為之樹曰諾姑自勉之偶編鄉前輩詩讀縣志及藝文志漫然為此條目二十有四成文繞四篇耳

附錄二^抄四月初九初草文例作局立意兼為小引初十午前寫正名區域二段次日又續歷史地理兩篇尚未能規模志來必其

成也午後往成灌莊十三日遠道南河逕謁志清夫子之門數語之下呈閱此草我夫子愕然失聲稱奇者再說曰何爾我巧相同也即以素上草稿擲前命視題曰在堡小志甫成建置河渠二篇適繞之所作也噫師弟之因緣文字之因緣歟文字之因緣志相同慨相若矣自此以後樹與人訪求談吐津津然道蓋以此為奇合也

附錄三^告通樹為曹句鎮志書籍無多見聞有限其要者正名古迹歷史地理風俗掌故而外人物列傳文藝著作某也佳話某也唱酬及前輩耳目筆記敬求鄉里同文資我臂助或通片紙或子話言少分茶後之閒略慰窓前之苦假以參考予以正誤則道益於後學者皆今日之先生也他日有成必以諸公之所述詳志本源明昭簡夏如怡園夫子述信今錄梁君蔡卿語曰古刻鄭板橋集

有致都末弟書言及曹句之却家舍^{也刻}王君化霖言及味靜齋

集詩文所及並做淮流一句奇蘆華記二種^{一抄一木}陳翁稼秋借

讀養一齋集志清夫子賜閱溪堂瑣記山陽詩微賓楚震瑛又若

干之手抄本尤可珍貴他若蔣姻叔耀山惠檢淮安府志古色古

香王姻叔謹如假讀重脩之山陽志^{非已有之續纂}乃鼎叔曾代

檢寶應者舊傳國學叢報合真閣集正甫大叔惠做淮南叢談淮

治墳泥錄彥齋再叔幼岑再叔言及先世傳聞少卿再叔言及古

馬將庵估人再叔烈帝廟之夜談琬仲二叔之手抄鄭子房先生

遺著嗣後六宣三叔惠讀陳鐘凡編鹽城志廢舊編二十四篇改

為綱目他若家藏之參考書及隨便而誤得者目錄如下初本山

陽縣志續纂山陽縣志寶應縣志淮安考古錄山陽所集淮人詠

淮詩淮山肆雅錄郡國利病書明史河渠志寄廬詩話南溪草堂

八

詩略殷芷南水利文方言考略風俗史話座生白室叢鈔無盡庵

創紅居頤志齋椿花閣等詩文集九種華記七種月刊五種報紙

十餘種社刊二種家譜四種餘略

曹甸鎮志

一 正名

一甲曹甸一曹甸鎮名也曹甸車橋為淮安兩大鎮市或曰古有曹氏故曰曹或曰漕河東南為首鎮為淮安邊區向觀漕曹同音漕甸誤曹甸也然據邑人曹德信分錄謂曹操征衣術時屯兵於此太倉鎮名在為屯糧之所宿城在曹甸為因放罪人之地宋金吾莊有官執金吾者居之南烈帝廟劉皇叔隨征所駐故曹甸以此得名志清夫子溪堂瑣記又謂曹公與孫吳構兵航海而南屯兵於曹甸云。綜此兩說謂其名起於魏武則一雖據歷代相傳之俗話因塔兒頭在曹之鎮海塔胥謂唐高宗時黃家口尚為海口見後先嚴冠洲公開此說為不可信先嚴公曰塔起於唐則是謂唐時海口鄭甸則非魏晉古迹見於縣志矣簡冊昭然豈口

九

傳耳食可比擬信今錄溪堂瑣記二書先嚴君未得見之今有二說可憑有本而又合名意當為定義

一乙又稱楚甸一曹甸既隸屬淮安府古曰楚州一縣曹甸亦稱楚甸或以為部姓之先古有楚劉二家部姓始祖之始配即為楚氏今有衍傳者楚姓數人既取名楚劉墩矣見古因楚氏而名地方不似稱曹甸者無一曹姓可證當為信說按余謂曹公創業之霸主也楚州分治之一州也從國從地皆可曰甸甸者非村舍橋坊之屬可以庶民專者國語云邦內甸服甸於曹楚曰曹甸甸於楚州曰楚甸即有楚氏未可以甸服名之且楚州南北與西交通車馬惟淮安東南區域下鄰鹽寶瀆水灣蕩初鮮居民亦有部甸部都之義乃鼎公曰若以音韻言之才也也為曹才也又五為楚曹楚雙聲從地從人行誣非重大也各正其說如右

二 區域

詩淮水浩漕淮安縣西門之外漕運南北往來志典亦天下之名水也南下五十里截漕流而中汊之新為開口見河名曰漕河曹甸者據漕河又中跨之淮堤遠遶漕河近扼漕河距淮城七十餘里方向東南依航空直線計之當約六十里耳淮安府志謂淮安分野分星與他郡異凡郡在揚州境者斗牛女分野郡在徐州境者奎婁胃分野淮安界徐揚二州之間山監阜在淮之南於古屬揚清桃安在淮之北於古屬徐備載徐揚分野以資參考樹按山陽為全府之南曹甸又在淮安全縣之南當以揚州之斗牛女星分野為是曹甸距淮城七十餘里距漕河十里不足與西南寶應縣城三角交通界限言之南里許即有寶應屬地家清跨郡溝而入在壁又屬淮安亦在甸區之內東數里漕河轉北河之東方內

十

沿寶境下鄰鹽城河之西仍屬曹甸凡十五里乃入鹽城之邊區東而北陶家河大施河侍河皇朝通考與漕河並列之市河楚即之徐河胡河凡河五道十三里陸河以南沿河堤而角向東下為數里皆為曹甸之區域屬曹甸之北自古塔鎮蔡胡鄉起蔡胡鄉北接陸河南岸西南曰祝林鄉蜿蜒曲折環漕河斜至東北總而言之曹甸區域之地利東南南西北方整正南與西南較為結屈然而鎮市之中心實係漕河一線上承古塔下入鹽湖土城三里天得一方木稼之富實有共稱魚米之鄉淮東南集重處也

附詞淮甸春工時無無可謂作此傳聲

漕河南北破田荒疎造土城三里誰說泥九鄉鎮小亦有灣灣池皆未設樓頭先開煤礦更待排門壘老人談笑居然城外城

越了多少人家幾窺入眼城郭分明是割盡千秋墳墓土不許
墳光來此猶是桑田尚非滄海足紀淮干典史杞憂何謂請者
運河流水

三 輿地志

甲 歷史

淮安之縣治雖早楚句之基於何時相傳未實書禹貢曰淮夷墳
珠暨魚墳魚之說必此為是則淮句初近海濱者也若依信今錄
所載漢朝吳王濞反漢駐兵於此似西漢即有此地淮治墳泥錄
考云宋理宗時始立淮安郡成理宗以前雖淮安附屬東楚尚未
可專名楚州曹甸之有無尤不可考憶免時趙庭間話先嚴冠州
公時語掌故雖似近於小說傳談者大都相同謂唐時高太兩朝
尉遲敬德亦曾用兵於是其子寶林犯軍紀梟首示令埋首之虞
土之人建塔誌之塔上有唐建年號一四因古碑一因名塔免頭
地塔免頭東下海口今黃時有湖災名此塔曰鎮海塔以此言之
唐以前若無曹甸之說指為錯誤凌蘭蓀凌氏譜云元末張士

上

據據有吳門明主百計不能下及士誠兵敗身虜明主積怒於民
驅逐蘇地之百姓以資淮揚兩郡謂明朝以前淮境無居人也然
今日三五遺老世世傳談皆知中橋河南古曰林家碼頭謂林
氏南宋時即有或謂林氏至元朝最盛言之者非一人是明季以
前曹甸有居人矣及再讀漢堂瑣記南宋時金兵入寇又據李成
季全李松壽之亂雖以淮城城中明初亦祇七家見後或又云元
季之後兵燹最大吾句雖有居人大亂之餘適難而全生命者厥
維楚劉二姓再依陳鍾凡鹽城志考顧炎武郡國利病書所言焦
循北湖小志所語約考如下曹甸為曠野之地距海濱當數百里
黃家口之向東有鹽城縣鹽城之歷史亦早鹽城志曰吳越戰爭
之役數過鹽城漢末吳魏之時地產不治者凡數百里曹甸黃家
安帝時置東城左鄉二縣即鹽城也豈有黃家口為海口尚有鹽

上

城縣耶塔免頭之定年寺為淮城祀典寺下院該寺石碑為
秦漢之時所謂淮東南鄉無分疆界既無實應鹽城亦無淮安荒
僻之大可以鹽志地產不治四字為斷書經中淮夷墳魚之說蓋
此間湖蕩連漪以墳魚為較多也說有此地無論水陸之荒皆有
兵役經過之可能以是而想鹽城縣志所謂吳越之戰役數過鹽
城則吳王濞魏武帝劉皇叔尉遲敬德行軍駐此亦偶然平常之
事老弱者流兵所散一二遺留因而地以人名曹甸魏帝廟金寺
遺留相傳既久夫而後北宋有人金人援之林氏或魏帝廟金寺
李之亂散之元人之衆張士誠之難走之居曹甸者或者其有林
氏矣或者或者其有楚氏矣楚劉之後於是而部氏東吳部氏譜
所叙淵源明成化年集居於此乾嘉以後千數百家人丁既富田
產日增坐擁膏腴不免官徐之習加之縣試年年功名林立錢莊

當與交易陸典以是而富庶名聲乃有曹句小南京之謗此曹句之歷史歟

附錄縣志一條 在昔為貢揚州之域也春秋時屬吳吳滅屬越戰國時楚強大而地入於楚秦屬淮陰縣漢曰臨淮郡晉安帝置山陽郡南朝齊武帝立淮安縣治縣屬淮州侯景作亂地入東魏未幾沒於高齊齊陳末又歸北周隋初名楚州設易為江都郡唐亦稱楚州唐末屬吳之一既而入于南唐終又傳歸後周宋仍用舊升縣為淮安軍入金改平淮府元朝為淮安府清朝因之別縣治為山陽清文苑而不此以民國時廢府為淮安縣見陽之曹句縣治淮安歷史準此乙 地理

曹句之地勢跨淮河而分南北計有橋梁三座各不相視或曰之

曹句流水悠悠願我欲留河曲之泥抱中央地氣之所聚也相傳我部氏始祖營墓見後與祠堂繫漣河風俗家過此熟視端詳久之數曰得曹句之地氣矣雖然主大富而無大貴既有孝康者二人句州署理遼東兵備道一詳案台公同治庚午舉人署司一詳案道平止境斯亦如此而已又曰石橋溝地勢尤吉兩岸人家曾無貧賤之居而轉玉帶溝一十餘丈謂漣河北流而南漣河轉漣流折南而東石橋溝者轉漣流自南而北玉帶溝者其右支接石橋溝轉而向西南下瞰而細柳之曹句之富庶風水於此蓋以遠近方隅河曲大小轉折者巧四方也富庶之富基於漣河北岸且曰玉帶溝尾即部家舍某某兩家尤富庶於最後者玉帶溝之止境也玉帶溝之流潤矣斯富庶之足止矣戊巳年地理與新見之者謂河南將倉河北不五年同遭兵燹噫言及於此烏能不擲筆

三款

附風水場與說一則

初凡通俗諧談都以鶴部諧音相謂部者鶴也鶴性安恬其祠堂用對吐蘆菴也金日寺既之碑門其非東南而西而推此為前不設鐘鼓後建祖師廟時將用鐘鼓族人羣起阻之未知何本鶴喜食魚祠堂東有子家灣從鶴部以類魚子也戊寅歲既建土城好事者解曰鶴受困矣已卯年多設拳鍾好事者解曰鶴其飛矣已卯詩句嚴路防奸充鼓鐘為遁逃噫四月十為鐘聲報八月中萬家奔走嗚呼謂我不信誰其不信之哉

丙 古迹

一鎮海塔一鎮海塔在曹句西六里許漣河北岸塔上古碑字載唐建年號重補志曰淮東南鄉定善院寺外有塔七層名鎮海

塔塔前有楹建自晉永寧年名永寧橋橋建於晉塔起於唐附部作曹句十二詠詩之二五絕三首

楊柳漣河岸巍然一丈夫長途翻塔影如讀古人書信乎之乎

半塔斜陽影定善寺之塔雖斷最可變一變楊柳半

時兩方橋寺古成我畫中詩

兗塔幾人呼文峰比句湖不須嫌塔能鎮海東隅

一定善寺一淮城龍興寺陳文燭石碑碑陰誌曰本郡東南鄉之定善院為安帝元年丁酉歲僧德聰建德聰之居京師因詔還而入南涼建和庚子還山初定善院王洪矩先生定善寺記言之最詳附部作十二詠詩之一七絕二首

杖錫南涼萬里回漣河流水法華問若非妙語天花古誰向空

門取辨才與通和兩道事蹟

梵宇長廊一塔高風光斜接永昇橋千秋寒食清明節香火年似六朝陸慶之文善音清明詩句有豔有香

「故倉城」舊山陽志載隋文帝徵南代陳故舉倉城於此在今施橫鄉大施河鄉大業末猶有積穀隋亂乃廢府治謂在治東南六十里地

「古城新舍」即塔兜頭舊稱詩

「林家碼頭」在今曹甸中橋湮河南岸古寺相傳遺老詳談皆謂此逆最古林氏來自南宋至元大盛中秋收獲此處舟楫如雲原有大石後人移之因無人文之鴻爪縣志不載事實又無林姓之人七十以上之老輩皆恍然曰有此名稱不知其所以然意附錄作十二詠之三宋元遺跡 林家碼頭

五

大族元朝威聲名記碼頭怡然宜下湮不見一痕留
寫塵沿幾代流水去來今惆悵中橋底無人說姓林
湮：湮河水悠，天地心碼頭痕太古毋許後人尋

「繫馬橋」在今當鋪巷宅舍之中為魏晉以來兵役所留之物其初甚高屋裏愈加此石愈矮今祇尺許建屋之時一度深刻去之不可至今得以存留或謂唐將某之跡疑為附會然此跡非晚近者以其太深知之附曹甸十二詠之四晉唐遺跡 繫馬橋

析談古跡評時代一石相傳繫馬橋執案何人曾到此江山龍叱石頭忙

不涅不淄摹在手圓頭尺寸已千秋衣冠樓閣皆塵土不及人家一石頭

「閻微君墓張鴻烈墓」曹甸西九里許有學山墩亦名閻家墩

庚子餘故棲萃荒墟上有數邱府志記曰先生墓初不可識先生之族豫哺軒博訪周咨奔走三年有餘迄無端倪後從北鄉迷族求得宗譜知墩田旗田鼓田已易圖為方墓土陷碑曰清微君閻百詩先生墓據閻氏家譜謂百詩之父字再彭號飲牛更愛交龍溝風水有過塔莊詩見後又有張鴻烈侍郎墓亦在蔡胡鄉內張與微君皆舉博學鴻詞墓與劉師起先生墓相近

一蘇東坡書遂瀛遠境石刻一曹甸居宅以和平堂為最古和平堂花園舊有蘇東坡書遂瀛遠境石刻一方得之佃舍後為族人陰德堂所有轉歸鄭氏見書

一五子讀書樓一樓為先九世叔祖且齋公建公凡五子俱得文武科貢長子端木公文名最優次子仲興公官學州運來兵備道樓凡著作七種附十二 詩

十六

今日萬人散辭地當年五子讀書樓文章不易傳千古樓宇何容此暫留落湮河承垢水樓在老湮泉 洛宜之西依依塵夢轉浮湮清君過此聊停脚富貴誰人尋句州

「魁星樓」樓在思慮巷東南凡三層建僅百有餘年以其亡也附錄於此十一 詩之六 七 詩一 首

山家素氣土城孤獨上魁星一小樓德必有鄰烈帝廟望之非遠卻家溝高名不羨滕王閣遙視能同鸚鵡洲得見天涯知更好館他雲水動人愁

「藏書樓」部中五公所建諱其終藏書最多不幸被火被焚之後書籍之灰燼壁立如故見者咸以為異樓址在東橋煙店巷下「小教場」址在中橋北岸相傳明初太祖用兵牙將行軍閱兵於此詳

「楚劉墩」明成化年前劉墩在河南東橋東百餘步楚墩來自楚家巷而至老捐局巷南自堤底北至早溝邊即今張氏士鈞兄弟居宅地也

「郝家舍」郝家舍稍遜於楚劉墩為郝姓初居之地在唐園西亦五百餘年

「古井古渡」曹甸古井凡二輪起灣巷古井通海其味鹹大槽坊巷古井通江其味甘豆芽者驗之如神古渡口在洩水河南岸其年最久已載府志附洩水河古渡

人家三五斷復連溝橫兩岸洩水流沿溝落柳條稀小舟一葉公渡河行程不遠勾留意寸陰可惜斜陽餘館他南河與北河來也曹甸去曹甸車不載舟舟載車我來巡視一踏躡西方有客風塵苦客心云急奔前途早復早早露水鮮遲復遲遲月

當天一溝之隔比千里一錢買渡何其廉

「古石古荒城」古石數處以大福神廟梅花形石白為奇古荒城俗稱西原堤層層古墓不啻峰巒層積建土城時平墓墓下有墓多至八九層風鑑家謂曹甸之肅義將平方城之後受敵先嚴躬與拾骸之義舉詩殿十二詠之末荒城

獨行曹甸西街西此間俗號西原堤音題風光橫壓涇河水

荒城一片草萋萋城大方五畝一葉披涇左新墳古墓疊層層

千秋隔斷烽火我來踉蹌尋平曉荒城明月秋風笑眼前白

曹比人高俯視曹甸亦何小人城如是低鬼城高幾尋甸市紛

華開園藏無森林誰家敗鑑扶危障總說西方殺敵不能後

「麻雀巷」一址在曹甸東南約當烈帝廟東涇河堤下少卿再叔走塔與時荒田中發見瓦礫考詢而得待詳

一石橋溝一溝在涇河北岸曹甸中游東西玉帶溝之所出也初有石橋橋下可通舟楫後以石橋非寬道衝不便改為連堤下置涵洞故又曰中涵洞口溝西為最大居宅溝東沿岸皆為吾家舊族所居我伯叔父家舊族玉帶溝北為小新莊另述

丁村莊

本鎮之村莊凡五連向市未可分者直北為小新莊西北曰郝家全西南曰歐家舍正南有小南灣東南曰東巷塢是皆屋舍聯肩總入曹甸保甲者也離鎮市有隔步者東北曰錢家塢直東曰夏家塢王合溝新曹甸二三里者直西曰小漆溝曰新錢頭曰錢家全西南而蘇村管村接林家莊直東曰于家灣曰童舍曰大弟舍小弟舍東南而烈帝廟即家溝其直北曰後官堤直南曰金史舍即家莊此相隔之不遠者若夫五六七里佈市者西曰黃家口

六

塔兒頭家橋隔東曰金吾莊祈家舍同音太舍隔南曰北河南河莊堡鎮徐甸鄉推此而三五村舍七八九家名之不易名數之不勝數者多矣

四河渠志

甲 水利

涇河古於漕河卽運河隋唐帝開運河時麻叔謀創涇河而中斷之兩岸築堤人乃不知運河之西有涇河矣樹接涇河之名起於不開或者古有河道不以涇名特郡國利病書採宋嘉定志涇河開在府城南約五十里又據明史河渠志隆慶五年禮科給事中張仝程典總河工部尚書楊一魁共議合黃導淮開武家墩注永濟河由塞灣開出口直達涇河淮南水利考云嘉靖十三年淮安知府王鳳靈開涇河樹接當條加長加寬以通射陽似明世宗時始有涇河查續纂山陽縣志正統五年修涇河壩以通舟楫景太初知府邱陵建開置倉久之倉廩開存萬曆二十年漕河都御史乃建雙閘南河郎中李藻重修則明英宗時早有修治故曰涇河開涇河壩涇河耳洞

九

後於漕河湮河之水道有於漕河之先及讀淮安府志轉採宋史地理志淮安軍州五河口以漕湮馳崇維五河得名乃知宋志已有湮河並可證林縣志又曰清康熙王同春改建此閘閘身較堅康熙三十九年總河張鵬翔奉旨挑濬河成閘亦另建閘洞金門寬凡一丈八尺乾隆五年孫河督蘭第修理損壞府志且曰乾隆五年欽差口德查勘河身之深淺言自閘口至南窪計長八千零八十一丈五尺接南窪下分挑支河二道重修志曰乾隆十五年淮揚道葉觀湖以湮河漸漸淤墊飭縣挑濬又云乾十九乾卅一年嘉十四年計凡折修四次閘下湮河長八千一百九十四丈口寬五丈底濶二丈五尺深六尺河寬地高云云嘉慶十二年湮河北岸時十業戶士民亦築堤一道東起金吾後莊西至于家灣長千二百餘丈用杆綠草蕩漫水

耳洞者閘之外另有一洞如閘頭之有耳也涇河耳洞之工蹟纂
山陽志曰同治元年知府顧思克以山寶鹽邑同時興挑涇河添
石耳洞詳曰原有涇河正閘之石洞山寶鹽士民部雲漢等詳記
謂此閘閘身高仰進水不暢請於閘旁添設耳洞一座洞下閘河
入涇流而斜合之凡由涇河出水者皆按田分段由閘下荷包塘
起至抬携河向東出口入蕩及南北兩支河一律挑浚仍循各挑
回頭以裡貼外業食佃力舊章辦理近蕩之佃田不
沾水利者不計故涇河罕蕩
入於豐湖下游田受業匪淺光緒九年興化江文藻等晉京請移
口水壩於涇河宣洩運漲洋洋數千言時左文襄公督府兩江飭
衆會議余以沿河之村鎮張橋以下曹甸太倉等處廬舍田產太
多萬難改寬末府轉詳其事乃寢宣統元年又有興化自治研究
所學員沈廷樞等復於省議局請願將涇河河身改寬來趨入海

二

本邑議員周虎臣嘯山當場詰駁經衆決定原議作廢乃不
至貽殃吾邑誌此駁議妨將來或再萌芽可以提策力爭云云實
為兩岸居民不可不知之要事

乙
溝漬

鎮中河渠涇河為經舊山陽志謂涇河承受之支流凡五一耳洞
三三淺三洞流水水西三淺出之支河凡三一入安豐長一十另六
淺四洞流水五口三淺出之支河凡三一入馬家溝為寶應三
十六丈一入太倉長一千零五十五丈一入馬家溝分淺三縣境
界本河河身分支巴宅洞一座時清咸豐七年挑涇河時分置續
脩鹽城志曰南一支出安豐曰南涇河中一支出新倉曰北涇河
北一支出綠草蕩之東曰西涇河北涇河之縱汊也支河流於甸
中者涇河南南流之水凡三中曰劉陳溝與河北石西曰望子溝
東曰口溝涇河北北流之水凡一卽石橋溝沿東岸支橫流者

曰東玉帶溝南自余宅起東十餘丈即入後溝竹洞既寒反引
北來之湯水環顧後園之名所由仿也緣西岸支橫流者曰
西玉帶溝不亦園林見南引此水下玉帶而西北者曰謀孫溝唐
園先主祖見之附也又河北鎮東有夏家溝鎮西有
郝家金溝及河南鎮東一溝總之支流凡七皆供飲食之水灌田
之用而已又另有四西流水之稱蓋劉陳望子夏家溝之橫溝及
西玉帶溝也要之涇河兩岸之渠水北流者源源易潘南流者水
勢相反河南之水道不如河北之水道下北溝為有歸也

附石橋溝五言長歌

落落石橋溝漢出涇流左右環玉帶一一抱南樓下有低蓮
宇貧富比巴都下有高樓宇志氣比王侯左揖小新莊宅舍隱
來年右抱小陂塘壇觀都清修流水分兩岸明月下詩鈞載秀

立

在何許別業小橋頭紅橋有古意出市非深幽流水有古意厚
味解溫柔滑滑出涵洞日食永千秋孰不飲河水德澤萬戶周
漸漸走向北兩岸泥田晴孰不取滋潯桔槔待秋收其來雖曲
折其去有逕迤其德有地利其澤無旁搜其入本渭河不許通
游舟直沂後官堤毓秀下芳洲其出綠草滿不許未浮臨廣泛
藕花池其勢乃洪濤其上廣街市日夕風煙稠屠門有大嚼談
笑談猶猴其下有微逕北舍隱歌喉來去走紆紆春色好鶯偷
沿溝倚楊柳不得有華轡何以歲成寅寒市遠紆紆河廟有廣
場不得有鳴騶何以庚辰歲歲走戈矛水亦有汚濁水亦有
寒可耐何以凍不抽爾水聽一言古跡爾知否歷史原有價聽
我一校碑所以名楚句邑來先其猷所以名曹句孟德走荊持

在昔一千墩此地堆楚劉涇河雖自古石橋未可求吾部承其
後部舍休清漱其後五百載族大乃無倚衙居在西北漸及東
南陝乃傍中涵洞與爾共成休吾家部亦古所路結算來七世
分書然今日猶存留南北宅舍五痕跡追有由余宅伯氏宅
書宅而外治宅南即仲義和地（一度精目）余宅惜也有貧
困而地付一售今也大滄桑吾意鬱前飲汝一杯酒與爾萬
古愁水流一鳴咽其勢一飄浮溝也亦語我謂解先生憂古今
如夢幻主客何恩仇光陰為逆旅天地莫詩因此是先生宅此
日等浮漚如彼雖大塊不亦事相侔豈不見山河豈不見金甌
豈不見流水豈不見浮漚豈不見曹句存沒皆人謀豈不見村
泊一水能清詎豈不見前人英雄落一邱豈不思來者來士比
環堽我勸先生意無怨亦毋尤家室此消滅可以無贅旒恬淡

立

忘人我海屋能添籌緣木而求魚此疾寧可瘳寒日無因靡不
用破紅招問信無投處不用煩書郵充筆為書畫何必飾驕驕
寄跡無戲場不用等俳優何人非王孫一旦如黔婁人之于貧
賤何異梓與楸何必非台閣一旦聞啼鳴人之於萬物何異風
馬牛先生亦自笑頑固不自羞迤步旁流水和視若情投徘徊
溝左右長歌如唱酬動靜觀人我致敬若陳情石橋溝所在曹
句之中游與爾各千古明月水悠悠旺氣中一葉曹疏小南京
來鶴經萬貫宜疏小揚州

五 建設志

甲 街市

兩岸人家夾河堤貫流水者曲有街衢鎮中之稱街者三曰東街曰西街實則一長街耳是街既不寬大又多曲折最狹窄處凡人家抬重執事常有煩難設街市者頗以為病惟河南之五石街東西壁直五石云者街中轉橋之處南而北北而石凡五勾次相排每於春夏之交迎神賽會之夕彩蓮作舉萬燈齊上人多獨愛稱之以其街市直爽廣視若無涯也噫街名對合市有喧譁雖無樓閣之齊恰有鄉園之閑使數街而猶在焉句之人可以不走向之地可以不廢街市之有無曹句鎮繫於此焉

乙 巷口

車橋有諺曰五橋十三巷一百零八巷曹句巷口不如是之多

三

也湮河北石橋溝巷口凡八口鋪延溝巷當鋪巷堂子巷竹店巷大槽坊巷可橋越此而西又巷二名不可舉石橋東曰磨盤巷一善巷煙店巷和濟巷雙家巷老損局巷食巷之舍屋名漁家巷歷此而東又巷五凡巷十三玉帶溝北計巷計巷二曰斗園巷中北巷新莊短巷大小凡四部家舍長短巷三後園巷一東北隅小巷凡五統計河北巷口三十有六河南則迎橋巷劉家巷礮竹店巷豆子行巷小劉陳巷東則棧房巷曲溝巷而則中橋巷礮坊巷南巷西巷其他無名字者約大小巷口十有六七都約五十有零此曹句之巷口也

丙 園林

曹句之花園大都私人之建設百年以上之園園如和平堂園蘇東曉書蓬園蕭園蘇園迎橋巷園公建皆不可詳今所述者道遠曉石刻於此

光前從之建築以西園蘇園為最早矣

一蘇園一後園為蕭園更名位於部家舍東在壁詩人王氏詩鈔常有題字其後虎臣再叔營居陳海門先容館於是生後園記楊雨亭周嶺山諸前輩唱和之雅幾無虛日詳見補山詩鈔及後離志

一斗園一斗園最小門楣石刻位於玉帶溝北建築亦早花草已不足述

一西園一西園位於後園之南鄭月樓先生寶應客館於是生徒入津園主蘇德以轉白和平堂者蘇書石刻和酬俗曰酬師

一不亦園一園在斗園東南宗叔曾祖幹臣老人之手建也中有人造行溝一道南引玉帶溝水板橋竹徑屋宇精雅公為不亦園詩四卷與陳鳳軒楊雨亭陳子防義聯詩酒別疏四殿園中園門

三

篆書聯語以良工鑿木書空往來字跡不分反正聯曰自來園內小行寓不亦山口常樂坐見者以為精巧

一後園一園為族叔曾祖海平公居公有後園隨筆者碩百孫歲寒堂唱和集與族小松小榆之盆景後為雪山公所有

一唐園一園為先三叔祖叔鑄公營居溝大園小梅杏桃李之外園溝皆植桃柳花蹊菜園草徑籬笆安宜祈壽徵茂才與公友善祁作唐園六景詩載唐園唱和集中舟園運園與公尤厚先叔祖既逝運園執勺賞春茅屋消夏荷亭及殘煙衰草冷唐園句指此

見後詩

一宜冬小築一園為宗叔高祖景周公建叔曾乃鼎公廣而新之此園花草最富盆景尤多一草一石之細稍經點綴甘味盎然尤

可受者所謂仙人掌仙人指之屬之植物粗青獨立如壁如石或片段或磊落又有新式之奇草皆以洋名每春下種歲有枯發蓋自遠方來者簷際階除尤清雅無富貴氣曹句花園以此為冠乃鼎曾刊國學叢報微聯哉宜冬字有榮兩宜居亦晴亦雨足三冬用曰史曰文散宜生具王佐才一代典隆周室治嚴冬友廣士林望萬篇富選宋人詩等作共十餘聯附都作曹句雜詠之二

春光夏景秋滋味到處人情總愛花惟有主人別風雅冬來盆景石頭斜

仙人有掌道人刺文竹清涼石草低省識青青蓄生意宜冬名字主人題

一新莊竹園一園在小新莊中央綠竹森森別有滋味先師梁慶賜夫子客館於此憶余受謀之時命題新莊竹園記略具聯體先

三五

師許為可用

一舟園一園地長狹緊貼涇河北岸故以為名佑人再叔居之兩端各有小屋其一背窄簷寬形似簸箕故又名箕軒淮安詩料月刊多載舟園主人詩詞

一蓮園一蓮園者先祖再叔之新建也小門深遠庭宇潔白曲院

芬芳堂宇構倚花草羅列之際左右棋枰公善書精於章草

提筆字大地故雖無古今題字詞人許我龍填詞也園中四部清

要一軒余亦切思不少記其日矣局未已一謝矣而不藉一再叔

字五池上新亭未考

一滌塵別墅一宗叔曾祖七之公晚年所退居也初葺短竹為籬長竹為牆草堂四廡編竹為欄庭空有鳥門設常閑余游幾度曾見鄰板橋書真跡先亮破硯殘書一聯與梁蔡青共談都余字故詩見刊本不廢江河集中

一臨渠別業一園貼石橋溝東紅橋欄杆栢題四字者是也語云建者不居居者不建建之者紹農四伯居之者先嚴君之與樹也先嚴為善舉計捐樹居此理其荒蕪新時花草門聯為新老蒙書門臨曲水屋號垂楊八字

附聯臨渠別業賦以門聯為韻一序略一

大所謂臨渠別業者境開楚甸名許花園豈無風景略有塵喧橫橋過岸開戶為軒夕陽照流水時奔路過千人牆角隱聞鳥語栢題四字園中別有花魂有時點綴名頭憑我紅情綠意只此消閒意足管他白屋朱門桃源不用空尋梅花不在山林到眼葡萄蔭蔭紫頭楊柳垂陰玫瑰當風紅先姣姣桃把對月綠倚森森窄徑縱橫佈得生平意境欄杆十二評為門角鉤心不語度院層階不礙風光環繞飛檐覆檻常指月色登臨別有

二六

幽窓駐雅小齋避俗萱花吐秀楊枝垂綠小鄉海畔門設常關胡蝶廳前雲遮斷續此時微悟千秋大志莫驚養地閒情一段深思移移寺外風塵物外賞心箇中情趣趣環中止足人自願西過去行看矩楸條條客從舍北歸來步到小門曲曲更有經堂佛院明燈淨几雀喧可愛鶯啼足喜莊席常親如登十二瑤台蒲團小坐妙悟三千佛子茶餘酒後相逢笑臉生春有意無心而至隨緣到此夕曛千嶂展新種種怡人夏雨春風秋月般般知已既得齊頭沉默肯談世事如山無間巷口逢迎不縮影光似水笑談情足稱清福室駐明光花開幽韻人愛物華滿園春色三分天教吾雅平地文才萬斛一情乍展盡意題詩六欲先除棋聲破讀看小盡花趣不費栽培有老圃農心未知微運日日勾留步轉兩三四處花垣年年嘯傲游居七八九間瓦屋

夢醒春秋時忘昏曉佛慈原多人情不少埋頭却有工夫避足
果無煩惱久忘世味蚊蠅常語天機魚鳥四大皆空是所望於
諸公一塵不染更無論乎屏小意吾輩障難清豈為風慧聰明
愧我名心未淡尚有塵緣繫繞曾記喬遷已已曉學吟詩宿留
庚午又學填詞藏矣修矣息之游之小園小景宜友宜師侍父
慈燈共看門前桃李書箱俾我欣承膝下鼻皮牛後常居失意
也如得意義功所積有為亦復無為經心時代文章偶爾殷殷
步武迴首昔人書畫還他灼灼名垂歌曰忽忽今數載忽忽今
流光風雨今多少顛沛今行藏問照我之明月與欺人之花香
豈夙構之冤孽惹無謂之雌黃似地靈而人傑莫地老而天荒
得優游而相處宜守分而安常何先生之高潔無隱士之徜徉
既回首而知足乃拂袖而思量謝風情之佚蕩學古道之端方

三

試作息之風雅寫興賦之文章對名海之小鄉內頤口賦臨渠
之別業傍臨門之曲水詠統屋之垂楊

其他居宅別院花草雖多不以園名稱者概不細述右園十二以
樹之印象所得試作小品如下葭園老西園荒斗園小不亦園深
後園樓宜冬園雅唐園靜竹園幽蓮園麗舟園淡潒園別墅之逸
臨渠別業之度殿其後為再依人物言之葭園得水之秀西園得
地之古不亦園得人之名宜冬園得花之美蓮園得奕之閒竹園
得竹之清後園得舟之野唐園得稻之香舟園得境之趣斗園得
味之醇潒園別墅得花木稀疎之意臨渠別業得詩書誦讀之情
質之同卿父老未知以為當否

丁 樓宇

曹甸樓宇之可稱者全興當典之樓孤仙異跡頗有聊齋閱微之

趣詳見記事雜錄樓雖寬廣人不能至其南俗稱大樓與孤樓僅
隔一院史指湘先生一度居之先嚴君與史公厚余曾親至其上
樑棟之材可謂高大然有陰森之氣北數十武又有新樓一座上
下連楹共十八間圓欄通步較為新特向西環潒溝南另有別有
天別墅樓亦綽有欄杆石橋潒東有仲氏市樓數間內設商舖境
亦不小餘若玉帶潒北之小樓亦不知迷屋宇則臨渠別業之堀
蝶廳取似蝴蝶飛簷覆檻覆雪老曾引釣心門角之語美之

戊 祠祀

(一) 宗祠

郝氏宗祠位於曹甸鎮東明木草創祠基時修時圯清初始有規
模乾隆壬子先八玄叔祖崑舍公諱文玖率眾捐資重為增修並
訂宗祠條規乾嘉之際皓亭公諱步蟾改建廣大置祭田備祭器

三

祭儀祠規較雍乾間且齊公諱清儀式為備因仲與公遠宦雲南
兩殿皆用月臺為食茅踐土之式祭儀行三獻禮兩殿懸匾十一
皆前清當道祭典其後瀛洲公南拔新樹旗杆照壁高迎磚橋舉
步南對崑庵北倚印池園溝流水引至光裕堂側此宗祠之大略
也

(二) 支祠

祠在葭園園溝之內族長肅仙公所私建者支祠亦設神龕春秋
祭祠與宗祠畧分大小公致後雖有祀儀徒存其名而已

己 寺院

一 毗盧菴

菴在鎮東河南前門朝北遙對郝氏宗祠正殿西供毗盧佛下
殿供唐張睢陽木像俗謂收瘟降福之神年年賽會盛傳四方且